

SUBDIVISIO 10. — *Species mediocres vel parvæ. Palpi maxillares articulis 5, labiales articulis 3. Operaria abdomine subtriangulari, supra cuius basin adfigitur petiolus. Clava antennarum 3-articulata. Ala ant. area discoidali et unica cubitali clausis, area radiali angusta apice aperta* (fig. 14). — *Acrocoelia Mayr, Crematogaster Lund.*
— Spec. 28-29.

28. **MYRMICA SCUTELLARIS** (*Formica* Oliv. *Encycl. Hist. natur.* 6, p. 497; Latr. *Fourm.* p. 261); *Crematogaster scutellaris* Mayr *Austr.* p. 198; *Myrm. Rediana* Duf. *Rech. anat. Hymén.* (1834) in *Mém. Acad. Scienc.* VII (1841), p. 477, ♀♂♂; Géné in *Mém. Soc. ital. sc., p. fs. XXIII* (1842); m. *algirica* Luc. *Alger.* p. 300; m. *rubriceps* Nyl. *Additam. alter.* p. 44; *Acrocælia ruficeps* Mayr *Ein. n. Ameis.*; *Acroc. Schmidti* Mayr *Ein. n. Ameis.*

Operaria : tota nigra vel fusco-nigra capite rufo-rubente, vel etiam thorace rufescente, rarius tota sordide infuscata vel denigrata modo mandibulis rufescentibus; caput (supra visum) rotundatum; thorax dorso longitudinaliter rugulosus, loco scutelli profunde constrictus, metanotum breve spinis 2 acutis; nodus posterior sulcu longitudinali divisus, anterior antice latior depresso; pedes subnudi. — Long. 3,5-5 millim.

Femina : fusco-rufescens, nitidiuscula, thorace supra obscuriore, capite dilutiore vel rufo-rubente, abdomine fusco-nigro; caput striatum, mandibulæ 5-dentatæ, linea frontis impressa; metathorax spinulis validis. — Long. 9-10 millim.; ala ant. circa 9,5 millim. pure hyalina, nervis et stigmate fuscescentibus.

Mas : a DD. Dufour et Géné describitur niger nitidus, ore, antennis et pedibus flavidis, scapo brevi cylindrico, long. 5 millim.

Habitat frequenter in Gallia meridionali, in muris vetustis ruderum nidificans. In arboribus variis, ut in oleis, ficis et populis, catervis maximis ascendens descendensque conspicitur operaria, aphides avide inquirens. Odor, ni fallor, fere idem ac *Formicæ fuliginosæ*. — Ad la Teste observata est a D. Fairmaire. In Algeria quoque frequenter adest (Lucas, Roussel). Mensibus septembri et octobri cel. Dufour mares feminasque examinantes deprehendit ad St-Sever, ubi hæc species abundat.

La forme triangulaire de l'abdomen, pointu postérieurement, distingue aisément cette espèce de toutes les précédentes, et sa taille plus grande, avec le nœud pétioinaire postérieur partagé par un sillon, des deux suivantes.

FIG. 14. Ala antica feminæ.